

К ОПУБЛИКОВАНИЮ

КОМИ РЕСПУБЛИКАЛӦН ОЛАНПАС

«Коми Республика мутасын вӧр йитӧдъяс ладмӧдӧм йылысь» Коми Республикаса Оланпасӧ вежсьӧмъяс пыртӧм йылысь

Примитӧма Коми Республикаса
Каналан Сӧветӧн

2021 вося урасьӧм тӧлысь 18 лунӧ

1 статья. Пыртны «Коми Республика мутасын вӧр йитӧдъяс ладмӧдӧм йылысь» Коми Республикаса Оланпасӧ (Коми Республикаса канму власьт органъяслӧн индӧд-тшӧктӧмъяс, 2007, 4 №, 4766 ст.; 6 №, 4843 ст.; 8 №, 4932 ст.; 9 №, 4986 ст.; 11 №, 5148 ст.; 12 №, 5355 ст.; 2008, 2 №, 9 ст.; 6 №, 279 ст.; 9 №, 397 ст.; 11 №, 616 ст.; 2009, 7 №, 78 ст.; 11 №, 186 ст.; 21 №, 368 ст.; 33 №, 617 ст.; 2010, 24 №, 571 ст.; 2011, 23 №, 602 ст.; 2012, 63 №, 1543 ст.; 2013, 5 №, 103 ст.; 2014, 9 №, 112 ст.; 27 №, 514 ст.; 2016, 12 №, 147 ст.; 21 №, 327 ст.; 2017, 26 №, 460 ст.; 2018, 14 №, 241 ст.; 2019, 15 №, 208 ст.) татшӧм вежсьӧмъяс:

1. 4 статьялӧн 1 юкӧнса 12 пункттын «случайяс кындзи, кутшӧмъясӧс индӧма Россия Федерацияса вӧр кодекслӧн 81 статьяса 41⁴ пункттын» кывъяс вежны «древесина заптӧм кындзи, мый збыльмӧдсьӧ федеральной тӧдчанлуна торйӧн ӧна видзан вӧр-ва мутасьясын» кывъясӧн.

2. 4¹ статьяын:

1) 1 юкӧнса медводдза абзац гижны тадзи:

«1. Индины гражданаӧн асланыс могъяс вылӧ древесина заптан татшӧм нормативъяс, федеральной тӧдчанлуна торйӧн ӧна видзан вӧр-ва мутасьясын древесина заптӧм кындзи.»;

2) 1¹ юкӧнын:

а) содтыны «, тайӧ юкӧнса мӧд абзацын индӧм аслыспӧлӧслунъяссӧ тӧд вылӧ босьтӧмӧн» кывъяс;

б) содтыны татшӧм сюрӧса мӧд абзац:

«Олан керка, блокируйтӧмӧн стрӧитӧм олан пу керка ломтӧм вылӧ, тайӧ керкасӧ кӧ кыин кутӧны (сыӧн вӧдитчӧны) кык да унджык эмбуралысь, кутысь (вӧдитчысь), древесинасӧ сетӧны норматив мындаын, мыйта индӧма тайӧ статьялӧн 1 юкӧнса 4 пункттын, пача керкалӧн быд юкӧн вылӧ.».

3. 4² статьяын:

1) нимын «случайяс кындзи, кутшӧмъясӧс индӧма Россия Федерацияса вӧр кодекслӧн 81 статьяса 41³ пункттын» кывъяс вежны «древесина заптӧм кындзи, мый збыльмӧдсьӧ федеральной тӧдчанлуна торйӧн ӧна видзан вӧр-ва мутасьясын» кывъясӧн;

2) 2 юкӧнын 4 пунктса «б» пунктыв гижны тадзи:

«б) документ копияяс, кутшӧмъяс эскӧдӧны пача олан керка, олан керкалӧн юкӧн, мукӧд олан жыр эмбуралан, кыин кутан (вӧдитчан) инӧдсӧ, кор татшӧмъясыс абуӧсь – жыръясын пачлӧн эмлун йылысь справка,

кутшöмöс сетöма кыин кутысьлы (вöдитчысьлы) Коми Республикаын лöсялана меставывса асвеськöдлан органöн;»;

3) 2¹ юкöнын:

а) медводдза абзацын «4 пунктса «б» пунктулын» кывъяс бöрын содтыны «(вöрзьöдны позътöм эмбур объектъяс вылö инöд урчитысь документъяс юкöнын)» кывъяс;

б) мöд абзацын «4 пунктса «б» пунктулын» кывъяс бöрын содтыны «(жыръясын пачлöн эмлун йылысь справка юкöнын, кутшöмöс сетöма кыин кутысьлы (вöдитчысьлы) Коми Республикаын лöсялана меставывса асвеськöдлан органöн)» кывъяс;

в) нельöд абзац гижны тадзи:

«Инöд урчитысь документъяссö да жыръясын пачлöн эмлун йылысь справкасö, кутшöмöс сетöма кыин кутысьлы (вöдитчысьлы) Коми Республикаын лöсялана меставывса асвеськöдлан органöн), учреждение заявление сетан лунсянь 3 уджалан лун чöжөн корö Коми Республикаын канму органъясысь да лöсялана меставывса асвеськöдлан органъясысь, кодъяслöн веськöдлöм улö найö пырöны, ведомствокостса юөрöн йитчан пöрадокын, сэк, кор индöм документъяссö гражданин ачыс абу сетöма.».

2 статья. Тайö Оланпасыс вынсялö сийöс официальнöя йöзöдöмсянь дас лун кольöм мысти.

Коми Республикаса Юралысьлы лöсьöдны ассьыс нормативнöй инöда актъяссö тайö Оланпас серти.

Коми Республикаса Юралысь

В.В. Уйба

Сыктывкар

2021 вося урасьöм тöлысь 25 лун

5-РЗ №